

MI VORIÀ PAR TI

(ninna nanna miagolata per nipoti sequestrati)
(di G. Secco - G. Secco e M. Viel)

E mi vorìa par ti
no sol grandi e aquiloni
che taja ziéi sereni
tiradi a lustrofin;
ma n cantonet de tera,
magro me bastaria,
senza siringhe ufade
o veleni che sia,
• par dugar sot n ombria
• a matàne o pacèca
• co la vós de na vecia
• che te conta la storia
- ogni volta la stesa -
de la musa belòria.

E mi vorìa par ti
qualche maèstro bon
de quei che i à pasion
e i te la springa indos;
e ti bagnà de amor
te scuerde senza afan
segrete le alegrie
che serve pa imparar
• e fvena le bufie
• e insegna anca a fbaliar
• senza far masa mal
• e che fa saldo l cor
e che te insegna a far
e a dar prima de ció-or

E mi vorìa par ti
an toc de l me bon temp
che no son bon a darte
e n antro che i me ciól
parché no i vól asarte:
che prima te à da ndar
a l corso par sonar,
nodar o pincionar
• a compleani e a feste
• e mi ma solo reste
• col cor pien de me nono
• e de la to ferìa
dove che mai sarò
quant che però... vorìa